

TE HEHEURAA API

I Neia I Te Piha Neneiraa A Te Ekalesia A Iesu Mesia I Te
Feia Mo'a No Te Mau Mahana Hopea Nei, I Papeete,
Tahiti, I Te Mau Fenua Sotaiete, I Te Mau
Ava'e Atoa.

Te hoo: EPiti Toata i te Matahiti.

Nu. 6

Tiunu 1934


Mat. 28

*"E a'o atu i te feia tao'a rahi i teie nei ao, eiaha
ei aau teitei, eiaha hoi e tiaturi i te tao'a rahi itea ore,
* e tao'a râ i te ohipa maitatai ra, ia rahi atu ia ia
ratou, ia horoa haere, ia au i te afaa, I te haapue
maite-raa i te maitai tumu no ratou iho a muri atu, ia rave
ratou i te ora mure ore." 1 Timoteo 6:17-19.*

Reta Temuta

E 72 matahiti i mairi a'e nei, i roto i te oire Roto
Miti, i te 10 no Tenuare, i te matahiti 1869, ua fanau mai
o Reta Temuta.

To'na metua tane o Aberahama o Demuta, no te tufaa
Apatoa i te fenua Amerita mai oia, e to'na metua vahine,
ua fanau mai oia i roto i te fenua o Noruve, e i to'na
apîraa, ua farerei oia i te Orometua Momoni i reira, e ua
farii oia i ta ratou haapiirraa i reira e ua tomo mai oia i roto
i te Ekalesia, e ua reva mai oia i te fenua Amerika, e mai
Navu e tae roa'tu i Roto Miti, ua haere noa oia na raro, ma



E HOHO'ANO TE APOTETORO RETA TEMUTA

te puto noa i te hoê pereço puto rima. Te ohipa a Reta Temuta i to'na apî raa hoê â ia i to te tahi mau tamarii no te Oire. Ua haere oia i te mau haapiiraa. Ta'na ohipa matamua i muri a'e i to'na mahitiraa na roto mai i te haapiiraa, o te titoraa ia i te umara putete i roto i te pute i roto i te hoê fare to'a.

E i te paura o te hoê matahiti e te afa ua riro oia ei taata faatere no taua fare to'a ra. E mai te reira mahana mai â ua riro oia ei taata faatere no te hoê fare Moni, te hoê faaapu rahi puatoro e te tahi atu a mau ohipa rahi.

I te 4 no Mati i te matahiti 1903, ua maitihia oia ei taata iriti ture no te fenua Utaha i roto i te apoo raa rahi iriti ture no te Hau Amerika, e i to'na taerara i te oire o te Hau Amerika, aita te mau taata iriti ture no te tahi mau tufaa fenua i hinaaro ia parahi oia i rotopu ia ratou e ia rave i te ohipa e au no to'na toroa, no te mea e, e Momoni oia, e ua tupu te hoê peapea rahi roa, a rea ra, i te hopea o taua peapea ra ua manuia o Reta, e ua rave oia i ta'na ohipa, aita ra teie mau taata i horoa'tu ia'na i te mau ohipa fifi, ua horoa atu ratou ia'na i te mau ohipa tei ore i hinaarohia e ratou ia rave, no atu i te reira, ua rave itoito oia i te mau ohipa te tuuhia i roto i to'na ra rima.

E 30 matahiti te maoro no to'na raverara i te ohipa i roto i taua toroa ra, e te taime oia i faaea'i i taua ohipa ra, tei ia'na te toroa rahi i roto i taua pupu ra. E ua parauhia e, o oia te taata faatere Hau no te Hau Amerika. No to'na ite e to'na paari i te mau mea no te Hau, ua imihia oia e te mau Peretitemi o te Hau Amerika i roto i taua mau matahiti e 30 ia tauturu ia ratou i te tahi mau ohipa. Ua iteahia to'na i'oa e te mau taata i te mau fenua atoa, e te faatura nei ratou ia'na.

I roto i to'na raveraa i te ohipa tei au no teie toroa rahi, ua haamana'o maitai oia i to'na toroa i roto i te Ekalesia, e ua haapii oia i te parau a te Atua i te mau vahi atoa ta'na i haere.

I to'na apîraa ua haere oia ei Orometua i te hoê fenua é, e ua rahi roa te ohipa ta'na i faatere i roto i to'na iho fenua. E 31 matahiti i mairi a'e nei, ua maitihia oia ei Apotesolo no te Ekalesia a Iesu Mesia I Te Mau Mahana Hopea Nei, e te rave itoitoe nei oia i te ohipa e au no taua toroa ra.

E rave rahi roa te mau taata apî ta'na i tauturu ia haere i te mau haapii'raa rahi ia roaa mai ia ratou te ite, e te paari. E taata herehia o Reta Temuta e te feia apî o te Ekalesia.

Ua faaipoipo oia ia Alpha M. Eldredge i te 17 no Ditema i te matahiti 1874 e ua fanau mai ta raua e too ono tamarii. Ua pohe ta'na vahine i te 7 no Novema i te matahiti 1928. E i te 2 no Tiurai i te matahiti 1930, ua faaipoipo oia ia Alice T. Sheets.

Teie te hoê taata o tei haamata i to'na haere raa na te vahi haehaa roa, e na roto i to'na itoitoe e to'na hinaaro ia rave i te parau mau, ua tae oia i te vahi teitei i roto i te faatere raa i te mau ohipa no te Hau; e te hoê vahi teitei atoa hoi i roto i te faatereraa o te ohipa a te Atua i nia i te fenua nei. E tapao ia te reira no te parau tia, e te tavini mau, no te mea, ua rave oia i te ohipa na to'na Atua, e ua tavini oia i to'na Hau i te taime hoê.

Papai hia e Leroi Marori

Te Faaroo.

Eaha te mau mea o tei tiaturihia i te Faaroo?

Pahonora: 1-. Te faaroo i te mau mea aore i ite matahia. 2- Te faaroo i te mau mea aore â i tupu. 3- Te faaroo i te upootiaraa o te parau tia.

Eaha te Faaroo i te mau mea aore i ite matahia?

Pahonora. E tiaturi papu raa te Faaroo i te mau mea aore i ite matahia. (*Hebera 11:1.*) Te tiaturi nei tatou e, e Atua te vai nei i nia i te ra'i, aita rea râ e taata tei hi'o mata'tu ia'na. (*Ioane 12:45.*) Aita rea to onei taata i ite mata'tu i te fenua Ierusalema, e te tiaturi nei râ tatou i te parau a te feia tei tae i reira, o taua tiaturi raa ra o te Faaroo ia.

Te parau nei o Paulo e, ua fâ maira te Mesia ia'na e ua tuu maira i te tahi mau parau ia'na, (*Ohipa 9:5-6.*) Aita tatou i ite mata i to'na fâraa mai, te tiaturi nei ra tatou i te parau a Paulo, o te Faaroo ia te reira. Te parau nei o Iosepha Semita e, ua fâ maira te Atua Metua e te Tamaiti atoa, e ua tuu maira i te tahi mau parau ia'na, o to tatou ia tiaturi i ta'na parau te Faaroo.

Eaha te Faaroo i te mau mea aore i tupu?

Pahonora. Ua parau maira te Atua ia Aberahama, e horoa mai oia i te tahi fenua ei ai'a no'na, ua tiaturi Aberahama i taua parau ra, o te Faaroo ia. (*Hebera 11:8.*) Ua parau maira te Atua e, e faarahi oia i to'na ra huaai ia riro mai te fetia o te ra'i, e te one i tahatai te huru; ua tiaturi maite o Aberahama i taua parau ra, o te Faaroo hoi ia. (*Genese 15:5-6.*) Te parau mai nei te Atua e, ia haapao tatou i Ta'na mau parau e roaa ia ia tatou te Ora mure ore, mai te

mea te tiaturi nei tatou i taua parau ra, ua au ia parauhia tatou e, e Feia Mo'a e te Faaroo.

Eaha te Faaroo i te Upootiaraa o te Parau tia?

Pahonoraa. E mana rahi to te ino i roto i teie nei ao e ua faasatauro hia o Iesu, te Tamaiti a te Atua, ua taparahihia Ta'na mau Aposetolo, ua pari haavare hia te mau Peropheta e ua faainohia te mau tavini a te Atua, ua tahitohia te Feia Mo'a. Ua riro te tao'a i te feia haavare, ua manuia te mau ravea rii a te feia opuaraa iino, e ua faahanahanahia te taata i rave huna i te hara no te mea ua rahi ta'na tao'a. Te parau nei ra te Atua e, e upootia te parau tia e e faaafarohia te mau mea pi'o, e faateiteihia tei haehaa e e faahaehaahia tei teitei, e haavahia te taata mai te au i te mau ohipa, e e faatupuhia te Mileniuma i nia i te fenua nei. (*Isaia 11:6-9.*) O te tiaturi i taua parau ra, o te Faaroo ia.

No reira e au mau hoa e, o te tai'o i teie nei parau no te Faaroo e te tiaturi, a rohi a faaitoito i te imi i te Basileia o te Mesia, oia hoi te Ekalesia a Iesu Mesia i te Feia Mo'a i te Mau Mahana Hopea nei. Tei ia outou te ite e te hinaaro.

Papaihia e Temuriaroha â Kuratahi.

No Nia i te Sabati.

I teienei aita roa te mahana Sabati i riro faahou ei mahana faaearaa no te rahiraa o te mau taata. Aita te reira mahana e haapao faahou hia nei mai te matamua, e aita oia e faatura hia nei: ua riro oia ei mahana arearea raa. Oia mau, te rave nei te taata i te ohipa i te hepetoma atoa, ma te tia i te Sabati no te haere e arearea, te haere nei te tahi pae e ori, te tahi pae e pere popo e aore ra e faahoro i te puahorofenua, e i te reira taime te vai taata ore ra te mau fare pureraa.

Te na o mai ra te 4 o te ture tei horoahia ia Mose;

E haamana'o i te mahana sabati ia haamo'ahia ia. E tia ia oe ia haa, e ia rave i ta oe mau ohipa atoa i na mahana e ono ra; area te mahana hitu ra, o te sabati ia no to Atua ra no Iehova; eiaha roa oe e rave i te ohipa i te reira mahana. E ono hoi o Iehova mahana i te hamaniraa i te ra'i e te fenua, e te tai, e te mau mea atoa i roto ra; area te mahana hitu ra, faaea ihora oia i te reira: i haamaitai ai Iehova i te mahana sabati, e ua haamo'a ihora hoi i te reira.

Ua horoa mai te Atua i taua ture ma te tapea ore, e mai te au i Ta'na mau Ture atoa, te hinaaro nei oia ia haapaohia te reira.

I roto i te haapaoraa Ati Iuda, ua haapao maite hia taua ture ra, mai te mau ture atoa tei horoahia mai e te Atua. No te rahi o to ratou haapaoraa i taua ture ua tuu mai ratou i te tahi mau parau faananea hape roa mai te mana'o e, e ohipa maitai ta ratou i rave, e no te reira ratou i faahapai ia Iesu Mesia e ta'na mau Aposetola i te taima ta ratou i haere na roto i te faaapu Sitona i te mahana Sabati e te huhutiraa, no te amu, te tahi mau hotu Sitona. Aita o Iesu i faahapa i te Ati Iuda no to ratou haapao maitairaa i te Sabati, ua faahapa ra oia ia ratou no to ratou anoiraa mai i te tahi mau parau apî i te ture tahito. Ua parau o Iesu e, e o Oia te fatu no te Sabati, e ua faatura oia i taua mahana ra. Ua riro taua ture no te mahana Sabati ei ture rahi i roto i te Ekalesia a te Mesia mai te matamua mai â.

E tia ia riro te mahana Sabati ei mahana faaeearaa, te na reira hia nei? I te rahi raa o te mau taima aita te taata e haapao nei i taua mahana ra, te faarohirohi nei ra ratou ia ratou iho i taua mahana mo'a ra. Te inu nei e te arearea nei vetahi, e ia pau te mahana faaeearaa, ua hau atu te paru-paru e aita te taata e anaanatae ia rave faahou i te ohipa. Te ite nei te mau taata faatere ohipa rarahi i taua huru ra,

no reira ua riaria roa ratou i te mahana Sabati.

E mea pinepine te ui hia mai i teie uiraa: "Eaha te ohipa e tia ia rave? E tia anei ia haapae tatou i te mau mea maitai e te nehenehe i roto i to tatou oraraa, e ia rave tatou i te mata rumaruma, no te mea e, e Sabati?" Eiaha, eiaha roa: e tia ia faariro tatou i te mahana Sabati ei mahana oaoa roa a'e i roto i te hepetoma. Eita e tia ia rave tatou i te rumaruma, no te mea te ani nei te Atua ia faariro tatou i taua mahana ra ei mahana haamoriraa e no te raveraa i Ta'na ohipa. Ia rave tatou i taua mau ohipa ra ma te oaoa, ma te mata ataata e te aaui maru, mai te mea eita tatou e na reira, ua faufaa ore ta tatou mau ohipa e ua riro ta tatou haamoriraa ei haavare.

E tia ia faariro tatou i te mahana Sabati ei mahana haaputuputuraa no to tatou mau utuafare ei ravea ia faarahi i te aroha taeae, no te mea o te mea ia tei hau i te maru e te mo'a. O te mahana ia te Sabati te tia ia tatou ia fai te tahi i te tahi i ta ratou mau hara, e o te taima mau ia o te faaore raa i to tatou mau inoino e ia farerei faahou ma te hau ia tia ia tatou ia haamata i te hoê hepetoma api ma te hau e te mau taata atoa. Ia'u nei, i to'u mana'oraa, aita e hoê peapea ia haere te taata e ori haere, i te Sabati, no te mataitai haereraa i mau vahi nehenehe, no te mea e tia ia tatou ia haamori i te Atua na roto i te mataitairaa i te mau mea nehenehe ta'na i hamani, eiaha ra ia riro te reira ori haere raa ei taupupu no tatou i te raveraa i ta tatou mau ohipa. E tia ia tatou atoa, ma te faatau ore, ia haere i te fare pureraa no te mau amuiraa te faatupuhia no te haamori i te Atua, e i muri a'e, ia maiti tatou i te ohipa maitai a'e no te haamaru i to tatou mau tino e ia haamori i te Atua. Teie te tahi mau mea te tia, ia tatou, ia rave i te Sabati: Tai'o i te mau parau mo'a, paraparau no nia i te Evanelia, himene i te tahi mau himene maitai e aore ra ia amui te fetii

atoa i te vahi hoê.

Na mua a'e e na nia a'e i te mau mea atoa e mea tia ia tuu tatou i to tatou mau mana'o atoa i te Atua. Eiaha no te mea, e mea tia ia haamana'o Ia'na i taua mahana ra ana'e, e tia ia haamana'ohia Ia'na i te mau taime atoa; no te mea ua faataahia te Sabati no te raveraa i ta'na mau oro'a mo'a e e mea tia ia ore roa tatou ia faarue i to tatou mau mana'o no nia i taua mau ohipa nehenehe ra.

Te tai'o nei tatou i roto i te pene 59 no te Buka Fafau

"E ia tia ia oe ia paruru ia oe iho i te mau viivii o teie nei ao e haere oe i te fare pureraa i taua mahana mo'a a pupu atu ai i ta oe ra tutia; oia mau hoi o te mahana teie i faataahia ia faaea oe i ta oe ra mau ohipa, e ia haamori oe i Tei Teitei ra; ia afai-atoa-hia râ ta oe ra mau opuaraa mai te parau-tia i te mau mahana atoa, e te mau taime atoa e haamana'o râ oe i teienei mahana, te mahana a te Fatu, e pupu ai oe i ta oe ra mau tutia. e i ta oe ra mau oro'a, ia'na i Tei Teitei ra. mai te fai i ta oe ra mau hara i to oe ra mau taeae, e i mua i te aro no te Fatu.

E i teienei mahana eiaha ta oe ei ohipa ê atu, ia ravehia ra ta oe maa mai te aau hoê ia tia ta oe haapaeraa; eiaha atu â ia i to oe ra oaoaraa. Oia mau hoi o te haapaeraa teie e te pure; e arore ra, e oaoaraa e te pure.

E ia haapao ra outou i teienei mau mea, mai te aau anaanatae, eiaha i te ataraa rarahi ra, e hara hoi te reira, mai te aau oaoa râ, e te mata anaanatae; inaha te parau atu nei au, ia haapao outou i te reira ra, o te î raa o te fenua nei no outou ia; te mau puua no te aru, e te mau manu no te reva, e te mau mea i paiuma haere na nia i te raau ra e o tei hahere na nia i te fenua nei; oia ia, e te mau raau rii, e te mau mea maitai o te tupu mai na raro i te fenu nei, ei maa e ei faaahu, e no te mau fare, e te mau fare vairaa maa na te puua, e te ô raau rahi maa, e te ô maa rii, e te aua faapu vine; e te mau mea atoa e na raro mai i te repo i te tupu i tau mau ra, ua hamanihia ia na te taata, e ei maitai no te taata, ia maururu te mata, e ei faaoaoa i te aau; oia ia, ei maa e ei faaahu, no te amu e no te haua, ei faaetaeta i te tino e ei faaitoito i te varua.

“Mai te mea e rave outou i teie nei mau mea’”.
 Eaha te huru no te ie parau fafau? Te taio faahou nei â
 tatou i roto i te Buka Fafau. O vai te Fatu, ua mau ia van
 ia rave outou i te mau mea ta’u e faaue atu; areara, ia ore
 outou e rave i te mau mea ta’u e faaue atu, aita ia a outou e
 parau fafau.

Ua tupu te maere rahi i roto ia’u i to’u hinaaro i teie
 nei heheuraa. Te mau hotu atoa o te fenua nei, na tatou
 ia; eaha te huru o te rahiraa o te mau taata te hinaaro ia farii
 i te mau haamaitairaa e rave rahi mai te reira te huru!
 Eaha ta tatou e ite nei? Te ite nei tatou e, te faahotu nei te
 fenua i te maa rahi roa, e te pohe nei te tahi pae o te taata i
 te poi’a. E mea papu aita te mau hotu o te fenua i riro ia
 tatou i teie nei mahana. Te pohe nei te taata i te poia i
 pihaiho i te mau fare vairaa sitona. No te aha? No te
 mea aita te taata i ite i taua faaueraa ra. I rotopu i te mau
 faaueraa atoa a te Atua, aita vau i ite i te hoê tei faaite pa-
 pu a’e i te utu’a te noaa mai ia tatou, i teie faaueraa ia haa-
 pao i te mahana Sabati, e aita hoi, i to’u ite raa, e faaueraa
 tei hau i te haapao ore hia e te taata. Mai te mea e tamanu
 noa teie nei ao i te faaroo ore i teie nei faaueraa rahi, e vai
 â te ati e te vêvê e e ino ihoa te mau ohipa atoa i roto i teie
 nei ao. Eita teie peapea rahi te vai nei e ore mai te mea
 eita te taata e haamana’o i te mau ture e te mau faaueraa a
 te Atua.

No reira o tatou te Feia Mo’a no te Mau Mahana
 Hopea nei, aita ta tatou e otoheraa. E tia ia tatou ia riro ei
 hi’o raa na teie nei ao, e mai te mea te titau faahou nei tatou
 i te maitai ta tatou i ite i mutaa ihora, e tei hinaaro rahi hia
 i teie nei. “*A haamana’o ana’e ia tatou atoa i te mahana
 faacaraa no te haamana’oraa ia ia’na*”

Papaiahia e Marcel Bonnet.

hoi o
 Mesia
 oia, i
 buter
 a te
 Tubua
 itoit
 ta’na,
 ua ho
 E ua f
 maitai

E faac
 roa te
 haama

mai i
 mau m
 E te fa
 parau

mua no
 no te f

te raat
 Tapone
 tamai ia
 faati i t
 i reira.

Te Mau Parau Api.

To tatou taeae i te faaroo.

Te faaite nei au i te huru o to tatou taeae o tei pohe a'e nei, oia hoi o Varo â Mapu. E taata itoito roa oia, i roto i te Ekalesia a Iesu Mesia i te Feia Mo'a i te Mau Mahana Hopea nei, e ua faa toroa hia oia, i te mau toroa i roto Ekalesia, mai te Tiatono e tae roa'tu i te Peretibutero. E no to'na itoito e te haapao maitai i te mau ture, no te Evanelia a te Mesia, i reira oia i maitihia'i, ei Orometua faaue no te fenua ra, Tubuai i te matahiti 1919, e tae roa'tu, i te matahiti 1920, e ua rave itoito oia i te ohipa i roto i taua toroa ra, e ua tauturu maitai hia oia e ta'na, vahine, e Heia â Mapuhi. E ia oti te tufaa ohipa i tuu hia ia raua, ua hoi mai raua i to raua iho fenua ai'a, maite maitai e te peapea ore. E ua faarii oia i te mau toroa i roto i te Ekalesia i to'na iho amaa, maite maitai, e te itoito hoi.

Na ô maira te parau i papai hia i roto i te II Timoteo pene 2: 3-4. E faaoromai maite hoi oe i te ino, ei aito maitai i o Iesu Mesia ra. E ore roa tei haere i te tama'i ra e haafifi ia'na iho i te peu rii no teie nei ao, ia haamauturu oia i tei maiti ia'na ei aito ra.

E ua na reira mau oia i te haapao raa i taua mau mea nei, e tae roa mai i te 30 no Mati, i te matahiti 1934. I reira to'na vaiho raa mai i te mau mea o teie nei ao, e ua faatia oia i te parau mana a te Atua, ia pohe. E te faaite nei te Heheuraa apî i te huru mau o te feia tei mau papu i te parau a te Atua.

Motoraa.

Ua moto o Carnera te Champion, e o Loughram i te mahana mata muna no mati, e ua pohe o Loughram, o Carnera te Chanpiro i teie nei â, no te feia teiaha.

E parau Tamai.

I roto i te hoê apooraa no te Feia faatere no te hau Rusia, ua parau te raatira rahi faehau ra, o Vassili Bluecher e, te rû noa nei te Hau Tapone i te faaineine no te tamai, e mai te mea e haere mai te Tapone e tamai ia Rusia, i te fenua Siberia, e û ia ratou i nia i te hoê aua auri tei farii i te hau Rusia, oia hoi, te mau mihia tamai ta'na i faaineine atoa i reira.

E mai huru ê mau.

Te tamata nei te mau taote e rave rahi i ta ratou atoa mau ravea, no te faaoraraa i te hoê tamaiti o Bengamin Hendrick, tei tupu hia i te hoê mai huru ê roa, oia hoi, tei riro nei to'na tino atoa ei ivi ana'e. Te faaite hia nei i roto i te vea e, aita roa te mau ravea a te mau taote i manuia, no te mea te haere noa nei te mai e ia tae i te tahi taima e riro te tino o taua tamaiti ra ei ivi ana'e, e i reira o te hopea ihoa.

Parau no te Oire o te arii vahine o Seba.

Te faaite hia nei i roto i te hoê vea no Aiphiti e ua hoi mai na taata farani faatere pahi reva ra, o Sorniglion Molinier e o Andri Mahrang, mai te oire no te arii vahi o Seba tei mo'e a'enei. Ua faaite teie na taata e, i to raua tere ra ua pupuhi pinepine hia raua e te mau taata arabia, aita ra raua i puta. Na roto i to raua ite raa i taua oire ra, te na ô maira raua e, e vahi ano roa ia te reira e e mea oviri roa te mau taata i reira, no reira e pohe ihoa raua ahiri raua i haere i raro, no reira ua hoi mai raua i muri.

E matai rahi mau.

I te 26 no Mati i mairi a'enei, ua tupu, i te Oire Nerv. Orleans, Amerika, te hoê matai rahi uana. Ua tupu taua matai ra i te hora 8 i te poipoi, e to'na maoro e piti noa iho minute, areara i roto i te reira taima poto ua parari i 75 fare e ua pepe e 12 taata. E matai rahi mau tera tei ore i farerei pinepine hia.

LOUIS DROLLET *Gérant*

L. R. MALLORY *Imprimeur.*

Rue Dumont d'Urville, Orovini, Papeete, Tahiti.

mai
paru
taata
i te

slow,
fenua
tahiti
maita
atoa,
mau
te oh
e ua
faarii
ohipa.